

溫疫條辨 全部

R254
411
原本二分
寒溫條辨
晰義二書
方論

瘟疫條辨摘要

每本紙料工價錢用
毛邊紙壹百八十文
杭連紙壹百九十文
白綿連紙錢二百三十文

願學堂同人藏板其板寄
存北土街朱聚文齋刷印

刻瘟疫條辨摘要序

憶自嘉慶甲戌河南新安呂子浴軒館余
家。昕夕談論。每言其從兄硯平先生學問
人品。為洛西冠。而兼邃於醫。病多奇方。方
多奇中。惜乎余未之見焉。丙子春。兒子驄
忽遘疾。遠近醫者數十輩。咸以為傷寒。投

以汗和之劑而勢益增延數日幾瀕於危
正在倉皇無措適先生之胞姪子模世兄
緣事過沃迂道問其泛舫浴軒於館當即
延入診視一見決為瘟病所開之方迴異
尋常治法入口下咽症隨藥減漸次獲痊
因詳與語乃知其令舫著有瘟疫條辨摘

要一書屢為友人謀刻未果凡所據以審
症用藥者實本諸此余欲取而讀之倉猝
弗可得迄今數年浴軒乃携以至展誦數
過始知有陳楊二家書而先生之博覽精
採迴非膚見淺學可比獨念先生學問人
品足以醫國醫俗上下均無所施而僅寄

托於方書小道致足惜耳。適沉吟間。見子
驄忽從旁請曰。聞先生之於是道。蓋不啻
三折肱矣。此書尤發前人未發之覆。簡明
精當。闢千年之秦蕪。張暗室之明燈。有益
於世不淺。未宜久秘篋中。願捐貲付剞劂。
廣傳。當時俾業是科者。知瘟病另為一門。

與傷寒治法迥然不侔。庶臨症不至乖方。而其大有造於斯人也。正匪獨先生之志也。夫余欣然從之而為之序。

誥封中議大夫候選郎中前戶部江南司主事古沃愚弟裴念謨頓首拜書。有道光癸未九月二日也。



瘟疫條辨摘要引言

漢長沙太守張仲景傷寒論為方書之祖其治傷寒諸方於今為烈惟於溫病

溫从㒼後人省㒼加彳為瘟即溫字僅有刺穴之法而世失

其傳後人不明其義凡遇春溫夏熱外感內傷以及陰虛內熱等症執守成方

概以傷寒施治。張冠李戴。其貽誤豈淺鮮哉。是以河間東垣丹溪總起。詳為發明。有功天下。後世良多。此薛立齋所以有外感遵仲景。內傷法東垣。熱病用河間。雜症用丹溪之通論也。惜於溫病治法。猶未發其奧妙。吳又可溫疫論出世。

人咸奉為金科玉律矣。然尚泥於膜原之說。若逢初得。即中陰陽毒。脉伏體厥。及一切暴症急症。乃疾雷不及掩耳。必待離於膜原。然後議下。恐亦不可救藥也。且如三消飲中。用草薢羌葛等味。溫中發表。與亢陽之症。頗不相宜。博採溫

病良方莫如山陰陳三錫所著二分晰
義一書之簡當詳明自夏邑楊栗山著
傷寒溫疫條辨妙會張仲景治溫病可
刺五十九穴之義而又以後賢諸書神
明而化裁之為之條分縷晰使寒溫之
辨朗若列眉實發前人未發之覆啟千

古不傳之秘醫者倘即此而精研之凡
治溫疫當無復有含冤者矣但其書尚
未廣傳即豫省坊間亦無市本雖於溫
疫盛行時舉其說以告行醫諸君子又
恐其少見多怪也嗚呼斯人何辜遭此
疫癘而又為庸醫所誤致有合家殞滅

而莫之或悟者竊心傷之因以硯田餘
力出其三折一得之見爰即陳楊二家
言特為摘要一卷畧明大義備載症脉
條列治法雖不盡詳言其所以然之故
而大要已具使第依樣葫蘆按症施治
固未有不愈者也若夫因應隨機神明

變化則又存乎其人耳。錄成特書微意
以弁諸首。

嘉慶辛未新安呂田書於橫山澹成軒



余家先代多知醫。而先君子於此道尤三折肱焉。宦跡所至。每以方藥活人。且恆誠不肖等曰。夫醫雖小道。亦仁術也。苟於儒書外更讀醫書。自濟濟人。或亦不為良。相當為良醫之意歟。道光戊申己酉間。天時亢旱。晉中瘟疫大作。醫者昧於脈症。概從傷寒施治。百無一生。先君子迺手定數方。立局施藥。投之罔不應手而起。有窮鄉僻壤。不能徧及者。刊方布送。全活無算。最後得裴氏刊傳瘟疫條辨一卷。展而閱